

ბიზნესმენის პროფესიონალიზმი და მორალურ-ფსიქიკური თვისებები

როზა გაფრინდაშვილი

*საინჟინრო ეკონომიკის, ბიზნეს ინჟინერინგისა და
მედია ტექნოლოგიების ფაკულტეტის სოციალურ
მეცნიერებათა დეპარტამენტის ასოცირებული
პროფესორი*

ანოტაცია

პროფესიონალიზმი - ამა თუ იმ საქმიანობისთვის აუცილებელი ინფორმაციის ცოდნას და ამ ცოდნის მიხედვით მუშაობის უნარ-ჩვევას გულისხმობს, რასაც ადამიანი სწავლისა და პროფესიული პრაქტიკის პროცესში იძენს.

ინდუსტრიულ ქვეყნებში, პროფესიონალიზმის დაუფლებას, პროფესიულ-ტექნიკური განათლების სისტემა უზრუნველყოფს.

რაც შეეხება ბიზნესმენის მორალურ-ფსიქიკურ თვისებებს, ესაა მისი შინაგანი კულტურის მახასიათებლები - ტაქტიკურობა, სამართლიანობა, მოთმინებისა და პატივის უნარი, პასუხისმგებლობა, თნამშრომლობა, სხვების ღირსების გაფრთხილება, ნოვაციებისადმი მზაობა, დაპირების შესრულება და კულტურულ ბიზნესში არსებული დევიზის ერთგულება - „უპირველეს ყოვლისა მოგება, მაგრამ ღრსება - სარგებელზე უფრო მაღლა დგას!“.

PROFESSIONALISM AND MORAL AND PSYCHOLOGICAL PROPERTIES OF BUSINESSMAN

Roza Gaprindashvili

Associate professor of the Department
of Social Sciences
of the Faculty of Engineering Economy,
Business Engineering
and Media Technologies

SUMMARY

Professionalism implies knowledge of information necessary for one or another activity and operating skills according to this knowledge that are acquired by the human in the process of training and professional practice.

In industrial countries the mastering in professionalism is secured by vocational and technical education.

As to moral and psychological properties of the businessman, among them are the features of his/her inherent culture – tacticity, sense of justice, skills of patience and forgiveness, responsibility, collaboration, cautious attitude to others dignity, readiness for novations, fulfillment of obligations and adherence to the motto of cultural business – “Profit is the foremost, but dignity is ranked above the profit!”

პროფესიონალიზმი - ამა თუ იმ საქმიანობისთვის აუცილებელი ინფორმაციის ცოდნას და ამ ცოდნის მიხედვით მუშაობის უნარ-ჩვევას გულისხმობს, რასაც ადამიანი სწავლისა და პროფესიული პრაქტიკის პროცესში იძენს.

პროფესიონალიზმის დაუფლების პირველი საფეხური კონკრეტული სამუშაოს შესასრულებლად საჭირო ინფორმაციის ძირფესვიანად შესწავლაა, რასაც ინდუსტრიულ ქვეყნებში პროფესიულ-ტექნიკური განათლების სისტემა უზრუნველყოფს. ესაა კულტურულად და ტექნიკურად განათლებული, კვალიფიციური კადრების ორგანიზებული მომზადება სხვა და სხვა მიმართულების პროფტექნიკურ სასწავლებლებში. ევროპის ქვეყნებში პროფესიული სწავლებები XIX საუკუნის მეორე ნახევარში, ხოლო აშშ-ში პირველი მსოფლიო ომის შემდგომი პერიოდიდან შემოიღეს.

საქართველოში, პროფესიული სწავლება ჯერ კიდევ XII საუკუნეში დასტურდება;

- ანტონ ჭყონდიდელს, თამარ მეფისთვის გლეხების შეწირვა უთხოვია, რათა მათთვის, შემდგომ კი მათი შვილებისთვის „ქუქანკობა“ (წყალსადენის გაყვანა-შეკეთების ხელობა) ესწავლებინა. უფრო მოგვიანებით ამქრული ორგანიზაციები განვითარებულა (ვახტანგ მეოთხის კანონთა კრებულში საუბარი ყოფილა - ამქრის შეგირდად აყვანის პირობებზე); იმავე პერიოდში სტამბის მუშაკთა აღზრდაზეც ზრუნავდნენ; ერეკლე მეორის დროს სამთამადნო მრეწველობის მუშაკებს ამზადებდნენ; 1878 წელს თბილისის რკინიგზის ტექნიკური სასწავლებელი გახსნილა და აშ.

XIX საუკუნის მეორე ნახევრიდან კი, საქართველოში, ამ სახის სასწავლებლების რიცხვი წლითიწლივით იზრდებოდა: 1983 წლისთვის, 70-ზე მეტი ინდუსტრიულ-პედაგოგიური ინსტიტუტი არსებობდა; მათთვის, სპეციალურ დისციპლინათა მასწავლებლებს, საქართველოს პოლიტექნიკური ინსტიტუტის 13 საინჟინრო ფაკულტეტი ამზადებდა; სანარმოს ოსტატები ხუთ წელიწადში ერთხელ, სწავლებას წარმოებაში გადიოდნენ; მუშაობდა საინჟინრო პედაგოგთა კვალიფიკაციის ამაღლების ინსტიტუტი და მისი ოცი ფილიალი; დიდი ყურადღება ექცეოდა სპორტს და თვითშემოქმედებას - წერენ სპეციალისტები.

პროფესიული განათლების სისტემას დღესაც

დიდ მომავალს უნინასწარმეტყველებენ, რამდენადაც, თანამედროვე წარმოებას პროფესიული უნარ-ჩვევებით აღჭურვილი პროფესიონალი უფრო სჭირდება, ვიდრე უმაღლეს განათლება მიღებული, მაგრამ პრაქტიკულ უნარ-ჩვევებს მოკლებული თნამშრომელი.

„პროფესიული ჩვევა“ არის ვარჯიშის შედეგად ჩამოყალიბებული, გარკვეული მოქმედების წარმატებით განხორციელების სუბიექტური პირობა, რაც საჭირო მოქმედების საშუალებებისა და ხერხების სისწრაფესა და სიზუსტეში ვლინდება. „პროფესიული უნარი“ - ინდივიდის ანატომიურ-ფიზიოლოგიური და ფსიქიკური თავისებურებების თანდაყოლილი წანამძღვრების ერთობლიობაა, რაც ვარჯიშის შედეგად ვითარდება და ჩვევაში გადადის და ავტომატურად, ცნობიერების გარეშე სრულდება.

მიუხედავად იმისა, რომ ჩვევა მნიშვნელოვან როლს ასრულებს ნებისმიერი შრომის (მუშაობის) პროცესში, ზოგჯერ ის, მაინც შეიძლება ხელისშემშლელ ფაქტორად მოგვევლინოს ახალი ტექნოლოგიების დანერგვისას, რაკი მისგან კონსერვატიზმის საფრთხეა მოსალოდნელი - ზოგ ადამიანს უჭირს ძველი ჩვევის დარღვევა და მისი ჩანაცვლება ახლით, რაც განვითარების დამაბრკოლებელ ფაქტორს წარმოადგენს; ამიტომ, თანამედროვე პროფესიონალს მოეთხოვება, რომ ფსიქიკურად მუდამ მზად იყოს ძველი ჩვევის ახლით ჩანაცვლებისთვის, რაკი თანამედროვე შრომის ერთერთი თავისებურება მუდმივი განახლება-გაუმჯობესებაა (ნოვაციები).

რაც შეეხება ბიზნესმენის საქმიანობას, მისი წარმატების „ფორმულა“ მარტივია, ესაა **პროფესიონალიზმს დამატებული ნესიერება!** ის ისეთ ზოგადსაკაცობრიო ღირებულებებს ემყარება, როგორიცაა **ღირსება და თავისუფლება!** ეს ნიშნავს, რომ ადამიანი-პიროვნება არა მარტო საკუთარ ღირსება-თავისუფლებას უნდა უფრთხილდებოდეს, არამედ პატივს უნდა სცემდეს თავისი პარტნიორებისა და თვით კონკურენტების ღირსებებსა და თავისუფლებებსაც!

შემდეგია - **მოთმინებისა და პატივის უნარი**, როცა მოთმინება აგრესიის შეკავება კი არაა, არამედ, როცა ესაა პარტნიორის სულიერი და მატერიალური შესაძლებლობების გათვალისწინების შედეგი, როცა შემწყნარებლობა დიდსულოვნებაში გადაიზრდება, რაც მაღალ სათნოებად ითვლება. ეს ის სათნოებაა, რომელიც თავიდან გვაშორებს ყოველგვარ კონფლიქტებს, როგორც ოჯახში, ისე საზოგადოებრივი ურთიერთობების ყველა რგოლში. მაგრამ როცა აგრესია შეკავებულია (საკუთარ თავზე ძალადობაა), მაშინ ადამიანი დაპირისპირებული მხარისადმი მტრულად განწყობილი, შინაგანად გაღიზიანებულია, რაც მომავალში მშვიდობიანი ურთიერთობების გარანტია არაა და ჯანმრთელობისთვისაც ზანის მომტანია.

შემდეგია - პარტნიორთან ურთიერთობისას,

ნებისმიერ სიტუაციაში **ტაქტიანობა!** ის შეიძლება იყოს ოჯახის წევრი, მეზობელი, ამხანაგი, ქვეშევრდომი, რიგითი მთხოვნელი, ახლადგაცნობილი და ა.შ.

ადამიანთა შორის, განსაკუთრებით საქმიან ურთიერთობებში, ხშირად ჩნდება კონფლიქტის მიზეზი; მაგრამ თუ პარტნიორები ტაქტიანები არიან, შესაძლებელია მისი თავიდან აცილება.

ტაქტიანობა არის პარტნიორისადმი (დაპირისპირებული მხარისადმი) გამოვლენილი პატივისცემა; ესაა ზომიერების გრძნობა, რომელიც პიროვნებას უკარნახებს ყველაზე უფრო სწორ, თავაზიან მიდგომას ვინმეს ან რაიმეს მიმართ, რაც მაღალკულტურული ადამიანისთვისაა დამახასიათებელი. შემოთი ურთიერთობებისას ეს თვისებები იმდენად აუცილებელი ყოფილა, რომ „შრომის იარაღად“ კი არის მიჩნეული.

განსხვავებული ტრადიციებისა და აღმსარებლობის ადამიანებთან ურთიერთობისას ტაქტის დაცვას განსაკუთრებული მნიშვნელობა აქვს, რათა ერთი შეხედვით ჩვენთვის გაუგებარი და ზგჯერ მიუღებელი მათი ტრადიცია არ შევრაცხვეყოთ.

ურთიერთობებში ტაქტიანობა ბევრადაა დამოკიდებული ზომიერების გრძნობაზე; უტაქტობად ითვლება არა მარტო უყურადღებობა, არამედ პარტნიორით ზედმეტი დაინტერესება ან მლიქვნელობა.

ურთიერთობების ეთიკა და ფსიქოლოგია ისეთ ზოგადსაკაცობრიო ცნებებზეა ორიენტირებული, როგორიცაა **სამართლიანობა**; იგი ადამიანთა ინდივიდუალობის აღიარებას, პიროვნულ-საქმიანი უნარ-ჩვევების ობიექტურ შეფასებასა და პარტნიორთა ინტერესებზე ზრუნვას გულისხმობს. ამ სათნოებაზე ბევრადაა დამოკიდებული ადამიანთა წარმატებული მოღვაწეობა, განსაკუთრებით ბიზნეს-ურთიერთობებში.

• ცნობილი ფაქტია: ამერიკულმა „ჯენერალ მოტორსმა“ 3.5 მილიონი დოლრი მარტო საფოსტო ხარჯებისათვის გაიღო, რათა თავისი 6.5 მილიონი კლიენტი დროულად გაეფრთხილებინა მათ მიერ შექმნილ ავტომანქანაში აღმოჩენილი ტექნიკური დეფექტის შესახებ. მართალია ამ ფირმამ მაშინ ეკონომიურად იზარალა, მაგრამ სამაგიეროდ საიმედო პარტნიორის სახელი შეიძინა, რის შედეგადაც მისი კლიენტურა მნიშვნელოვნად გაიზარდა და ეკონომიკური ზარალი ერთიორად აუნაზღაურდა.

ურთიერთობების ეთიკა და ფსიქოლოგია აუცილებლობით გულისხმობს

პასუხისმგებლობის გრძნობას, რაც მჭიდროდ უკავშირდება სამართლიანობის გრძნობას; ესაა მიცემული დაპირების ან ნაკისრი ვალდებულების აუცილებლად შესრულება. ის ერთნაირად აუცილებელია როგორც ოჯახურ, ისე მეგობრულ, განსაკუთრებით კი საქმიან ურთიერთობებში; ცნობილი გამოთქმაა - „სიტყვის კაცი“, რაც პიროვნების ერთერთ ყველაზე გამორჩეულ თვისებადაა მიჩნეული, „უპირო კაცი“ კი - საღანძღავ ეპითეტად ით-

ვლება და საქმიან ურთიერთობებში მათთან საქმის დაჭერა - არავის სურს.

საქმიან ურთიერთობებში დიდ როლს ასრულებს **პარტნიორის რეპუტაცია**, (ფრანგ.) რაც ვისიმე ღირსებათა და ნაკლოვანებათა შესახებ შექმნილ საერთო აზრს, შეხედულებას გამოხატავს და ის „შინაგანი კულტურის“ შემადგენელი ნაწილია. კარგი რეპუტაციის შექმნა - ძნელია, მას წლები სჭირდება, მაგრამ დაკარგვა - ძალზე ადვილია უყურადღებობის, უტაქტობის, უპასუხისმგებლობის და ა. შ. გამოვლენით.

რეპუტაციის შესაქმნელად დიდი მნიშვნელობა აქვს აგრეთვე მეტყველების კულტურას, ჩაცმულობას, მანერებს, ოფისის ინტერიერს და ა. შ., ანუ ყოველივე იმას, რასაც „გარეგან კულტურას“ უწოდებენ. მაგრამ საქმიან ურთიერთობებში, პრიორიტეტი „შინაგან კულტურას“ ეკუთვნის; რაც უნდა გემოვნებით ეცვას საქმიან ადამიანს, კარგად მე-

ტყველებდეს, ან დახვეწილი მანერები ჰქონდეს, თუ „შინაგანი კულტურა“ „ღალატობს“, სულ მალე მას, „საქმიან ურთიერთობებში მარტო დარჩენა ემუქრება!“ - წერენ სპეციალისტები.

კულტურულ ბიზნესში ასეთი დევიზი არსებობს - „უპირველეს ყოვლისა მოგება, მაგრამ ღრსება - სარგებელზე უფრო მაღლა დგას!“

გამოყენებული ლიტერატურა:

1. გამოყენებითი ფსიქოლოგია (ავტორთა კოლექტივი), „ტექნიკური უნივერსიტეტი“, 2012.
2. შრომისა და საინჟინრო ფსიქოლოგია, კეჩხუაშვილი გ., „თბილისის უნივერსიტეტის გამომცემლობა“, 1982.
3. ნარმატებული ბიზნესმენის პიროვნული თვისებები, www.google.ge
4. პროფესიონალიზმი, www.google.ge.